

**ROTTERDAM UNIVERSITY OF  
APPLIED SCIENCES:RECEIVE  
YOUR FIRST STUDY CREDITS  
BEFORE ARRIVINGIN THE  
NETHERLANDS**



**WWW.SOLODIPUEBLO.COM**



**SOLODIPUEBLO@GMAIL.COM**

Aki tres siman sentencia ta cay:

**ACUSADO DI ABUSO  
SEXUAL DI MUCHA  
CONFRONTA CU 6 AÑA DI  
PRISON Y TRATAMENTO  
PSIQUIATRICO  
OBLIGATORIO**

OE AZV ta clarifica tocante  
MRI Test di prostaat:

**PA HOPI AÑA CABA  
E SERVICIO DI MRI  
PROSTAAT TEST TA  
POSIBEL NA ARUBA!**




**POLIS A ATENDE CU  
CHAUFFEUR CU ACOMETE  
INFRACCION NET SU DILANTI**



**PROYECTO DI AGRICULTURA  
NA SCOLNAN BASICO A  
CUMINSA**



**DIA 23 DI JANUARI TA TREK  
LOT PA ARUBA CAISO & SOCA  
MONARCH 2024 FINALS**





# SERLIMAR S.G. TA INFORMA CLIENTE

Desde comienso di aña 2023 Serlimar S.G. a pone como meta pa tur cliente ricibi factura mensual enbes di pa aña. Esaki pa encurasha e pago tur luna y evita cu ta lubida riba esaki y innecesariamente crea retraso den cumplimiento di pago. Pa 2024, Serlimar tin como meta pa bai over na facturación digitalisa.

## Status actual di factura digital

Serlimar S.G. ta for di december 2023 den trayectoria pa hunto cu AFAS, haci mas mehoracion posibel na bienestar di su clientenan. Esaki ta ensera cu na e momentonan aki, ainda e trabaonan ta tumando lugar. Di e

forma aki ta sigura cu clientenan cu a haci pago caba di facturación di 2024, no lo ricibi e cobranza via email ni via post. Pues e pagonan haci ta den administracion di Serlimar S.G., pero e suma cu tur cliente a paga te cu awor, tin cu wordo procesa manualmente den AFAS un pa un. Esaki ta un trabao hopi extenso, mirando e cantidad cuantioso di e clientenan di Serlimar S.G.

Serlimar S.G. y AFAS ta haciendo tur esfuerzo pa e sistema aki ta optimalmente disponibel na e clientela lo antes posibel. Ta pidi clientenan un tiki mas pasenshi, pa asina por establece e automatización necesario y pa

esaki bay di e forma corecto. Lo nos mantene nos clientenan al tanto di e ultimo desaroyonan.

## Promocion di 1 luna gratis

Clientenan cu ta bin na remarke pa 1 luna gratis na januari 2024 (campana paga prome cu 1 mei 2023), no mester paga pa factura di januari. Pues esaki ta den proceso di wordo aplica ariba cuenta di cliente.

Registra pa factura digital via QR code

Serlimar S.G. ta keda promove pa tur cliente registra pa factura digital via QR code, pa asina evita gastonan di imprenta y reparticion



via post. Tene cuenta cu esnan cu no a registra un e-mail adres ainda, lo haya e cobranza di Afl. 3,50 pa dicho gastonan, riba cada factura di 2024 cu ricibi na cas. Pues ta encurasha pa bishita Serlimar S.G. su FB page y registra via e QR code pa evita gastonan innecesario. Ta gradici tur cliente pa su lealtad pa scohe pa e servicio di recohemento di desperdicio di Serlimar. S.G.

## MINISTER MADURO DI FINANSA A HAYA UN PRESENTACION DI AZV SU MODELO PA PRONOSTICA E CUADRO FINANCIERO MULTI-ANUAL DI E FONDO DI SEGURO MEDICO DI ARUBA

E modelo ta midi, entre otro, e riesgo di e fondo di AZV pa presupuesto di Pais Aruba



E siman aki Minister Maduro di Finansa a reuni cu directorye hecutive di AZV pa asina por haya un presentacion di AZV su modelo pa pronostica e cuadro financiero multi-anual di e fondo di seguro medico di Aruba. E modelo aki pa pronostica e riesgonan financiero di AZV, ta uno importante pa e maneho presupuestario di nos Pais, ya cu e modelo ta midi, entre otro, e riesgo di e fondo di AZV pa presupuesto di Pais Aruba.

Conforme e Ley di AZV, si e fondo di AZV conoce deficit, e ora Gobierno tin un obligacion pa presupuesta e fondonan necesario y cera e buraco financiero aki via un 'landsbijdrage' cu ta wordo duna na AZV. E ultimo añanan aki AZV a hiba un control di gasto y hunto cu e entrada genera pa BAZV, e fondo di seguro medico di Aruba a wordo fortifica y ta pone cu Gobierno no mester a hinca fondo den AZV via un 'landsbijdrage'.

E fondo di AZV ta stabil, sin embargo tin factornan manera e costo di remedi, costo di dunado di cuido medico, 'vergrijzing' di nos poblacion, inversionnan necesario den cuido na Aruba, cu ta forma un riesgo financiero pa e fondo di AZV. E modelo cu expertonan paden y pafo di AZV a diseña, ta proyecta e risiconan aki pa e añanan nos dilanti y ta brinda un bon 'tool' pa guia e desicionnan necesario pa asina e fondo medico di AZV por keda stabil sin cu Gobierno mester pone placa aden via un 'landsbijdrage'.

Minister Maduro a expresa di ta contento cu e modelo aki di AZV, ya cu e ta pas den e trabounan cu ta wordo haci pa presenta den Presupuesto 2024 y siguiente presupuestonan

di Pais Aruba, un bista di e risiconan financiero cu por tin efecto riba e presupuesto di e aña coriente en particular y Aruba su finansa publico en general.

Proximanamente Minister Dangui Oduber hunto cu AZV lo presenta e modelo aki na Consejo di Minister, Parlamento di Aruba y Pueblo en general.



Chicken Alfredo Pasta  
Keshi Yena  
Beef Teriyaki  
Porkchop  
Chicken breast



## Aki tres siman sentencia ta cay:

### ACUSADO DI ABUSO SEXUAL DI MUCHA CONFRONTA CU 6 AÑA DI PRISON Y TRATAMIENTO PSIQUIATRICO OBLIGATORIO

Corte den Prome Instancia a trata awe e caso penal contra e homber C.A.v.A. di 35 aña di edad.

E sospechoso aki ta wordo acusa di tabata as riba hopi mucha muher jong pa haci actonan sexual cu nan. E tabata manda e mucha muhernan mensahenan cu preguntanan si nan kier gana placa of si nan kier sali den un fotoshoot. Ademá di esey e tabata manda nan potretan di un curpa di homber stijf. Cu otro

mucha muhernan e tabata spera nan na nan scol y tabata masturba den nan presencia. Cerca un par di mucha muher el a yega te violacion sexual.

Ademá ta acusa e sospechoso di tabatin sex cu dos mucha muher menor di edad y di tabatin porno infantil den su posesion.

E sospechoso a wordo samina pa un psiquiatra y un psicologo. Nan a constata cu e tin un

trastorno psiquiatrico, pa cual e lo mester wordo trata.

Awe fiscal di husticia a exigí un castigo incondicional di 6 aña contra V.A., plus (cu vista riba e consejo di e dos expertonan) tratamiento obligatorio den forma di un TBS cu condicionnan. Esey ta encera cu V.A. lo tin cu sinta su castigo di prison pa despues mester sigui tratamiento obligatorio pa tempo largo. Huez lo dicta sentencia aki tres siman.

## OE AZV ta clarifica tocante MRI Test di prostaat:

### PA HOPI AÑA CABA E SERVICIO DI MRI PROSTAAT TEST TA POSIBEL NA ARUBA!

Oranjestad: Recientemente Organo Ehecutivo AZV (OE AZV) a tuma nota di un articulo yama “Punta Brabo Diagnostic Center: Prostate MRI Screening awor obtenibel na Aruba”. E articulo aki ta duna informacion cu ta incorrecto y ta parece mas bien un intento di Punta Brabo Diagnostic Center pa convence comunidad di Aruba cu ta solamente nan ta e unico instituto (priva) cu ta ofrece dicho servicio. Como seguro AZV ta di suma importancia pa nos clarifica kico ley AZV ta stipula manera kico ta wordo permiti y kico no. Adicionalmente kico a conduci na nos escogencia pa traha p.e. cu Dr. Horacio O. Hospitaal den caso di e MRI test pa prostaat como tambe e motibo pakico tin caso cu mester manda exterior pa haci MRI Avanza.

#### Ley AZV

Tin varios punto cu ta stipula den ley AZV. Na 1e lugá e ley AZV ta stipula cu tur cuidu medico cu por tuma lugá na Aruba ta tuma lugá na Aruba. Na 2do lugá e cuidu medico mester ta medicamente necesario, di bon calidad, eficiente y efectivo. Na 3er lugá ley AZV ta stipula cu solamente den caso cu no tin e conocimiento, ekipo y of infraestructura disponibel na Aruba; e ora OE AZV por duna aprobacion pa haya cuidu medico den exterior. Adicionalmente Ley AZV ta stipula tambe pa ki tipo di cuidu y cu ki tipo di organizacion y of grupo di dunadonan di cuidu OE AZV por contracta. Diagnostico riba su mes no ta un derecho describi den ley pero ta forma parti di e cuidu medico specialisa cu segun ley ta wordo contrata cerca instituto medico reconoci pa duna esaki manera Dr. Horacio O. Hospital y ImSan of cerca specialistanan cu AZV tin contrato cu nan. E ley ta dicta esaki pa asina

por percura pa AZV cumpli cu su tareanan ancla den ley di mantene calidad di cuidu sin desperdicio y consumo innecesario y un bon maneho di e gastonan di cuidu. Pues den cuadro di e ley di AZV no tin espacio pa contracta sin mas cu institucionan priva cu riba propio iniciativa (commercial) a scoge pa cumpra un aparato di MRI Avanza.

#### MRI Prostaat

Otro factornan cu ta hunga rol den e escogencia cu kende OE AZV ta permiti pa traha ta p.e. e resultado final cu kier realisa cu cada screening y of test. Den caso di e MRI test di Prostaat ta asina cu OE AZV tin contracto cu Dr. Horacio O. Hospitaal y conhuntamente kier yega na un miho conexion entre e MRI -esta imagennan cu ta wordo haci- y e tipo di testnan cu despues lo mester sigui. Por pensa kinan por ehempel na si mester haci un biopsia despues. Pues mirando cu e test aki ta parti di un proceso completo di cuidu specialisa ta traha colectivo cu Dr. Horacio O. Hospitaal.

Tambe ta asina cu Dr. Horacio O. Hospital ta dispone di un aparato avanza, mesun sorto di aparato por cierto cu esun di Punta Brabo Diagnostics Center. Pero hasta disponiendo di un bon aparato MRI Avanza, semper lo tin casonan cu lo mester bay exterior pa motibo cu tin mester di imagennan (MRI) hopi mas avanza (mas ainda) cu e actual “caliber/modelo” di aparato cu tin awor na Aruba.

OE AZV tin e responsabilidad pa semper keda evalua inversion versus demanda y pa e motibo ey ta den e proceso cu Dr. Horacio O. Hospital pa modernisacion di e MRI actual.

#### Articulo 25 punto 2



Algemene Ziektekosten Verzekering

Den dicho articulo, Punta Brabo Diagnostics Center ta haci un “yamada” na e pashentnan pa haci uzo di nan derecho di restitution pa medio di articulo 25 punto 2 di Ley AZV. Esaki ta e articulo cu ta stipula e condicionnan pa por haya cuidu medico den exterior via OE AZV. Aki tin un ekibocacion grandi ya cu ta lubida di menciona cu pa e asegurado di AZV haci uzo di articulo 25 punto 2 mester tin un aprobacion previo di OE AZV (pues un aprobacion basa riba articulo 25 punto 1 prome) cu por haci uzo di e articulo 25 punto 2.

#### Peticion

Como seguro AZV nos ta haci un apelacion na e asegurado cu ta pendiente di su MRI Test di Prostaat. Bo seguro AZV ta cubri MRI test via Dr. Horacio O. Hospitaal riba peticion di bo especialista. Den caso cu bo especialista haya necesario y conclui cu tin mester di un imagen (MRI) mucho mas avanza cu e actual imagen, e ora bo especialista medico lo haci e peticion pa bo na seguro AZV pa bo por bay exterior ya cu pa dicho tipo di imagen ni e aparato actual di Dr. Horacio O. Hospitaal ni esun di Punta Brabo Diagnostics Center lo por sirbi. Lo ta rekeri di aparatonan hopi mas avanza cu ta solamente den paisnan grandi tin.



Prome Minister Evelyn Wever-Croes:

# CACIQUE MACUARIMA SCHOOL CU HOPI INTERES DEN E CELEBRACION DI DIA DI BETICO



Siguiendo cu su bishitanan na scolnan basico, diabierna 19 di januari, Prome Minister Evelyn Wever-Croes a pasa cerca e alumnonan di Cacique Macuarima School klas 5.

E muchanan di e dos klasnan 5 tawata masha contento y cu hopi interes pa celebra Dia di Betico. Den un ambiente masha ameno, Prome Minister a combersa cu nan y a conta nan un tiki di e lucha y logronan di Betico. Aki e muchanan a muestra nan curiosidad y a haci basta pregunta hopi interesante. Tawata momentonan masha agradabel unda e mandatario a tuma opinion di e muchanan riba kico nan lo kier pa inverti den dje.

Prome Minister, desde cu el a drenta Gobierno el a pone enfasis riba e importancia di e fecha 25 di Januari, Dia di Betico, cu esaki no ta solamente un dia liber di scol, sino pa splica e muchanan e significado di e dia aki. Esaki ta e motibo principal di tur su esfuersonan pa sigui bishita scolnan, pa combersa cu e muchanan, conta nan e historia di su omo y padrino Betico, y tambe pa e mes wak con nan ta preparando pa e dia importante aki. Tur bishita na scolnan ta sigui impresiona Prome Minister, e poesianan, presentacionnan y tur e interes cu e muchanan ta muestra a traves di storianan cu nan ta conta nos mandatario. “Nos tur por traha hunto pa hiba

nos Pais dilanti, nos tur tin un Betico den nos”, Prome Minister a expresa.

“Nos ta sigui bishita mas scol prome cu Dia di Betico y tambe ora di dia di Himno y Bandera. Asina nos lo sigui otro aña atrobe pasobra pa mi ta hopi importante pa ta aki nan mi mes, pa mira kico e muchanan ta pensa di un persona asina importante manera Betico Croes.”

Reconociendo e gran trabou di cabesante y staff di Cacique Macuarima School, Prome Minister a despidi gradeciendo nan pa a permiti su persona bishita nan un biaha mas y bisando cu semper e scol lo tin un luga special den su curason.



## MINISTER MADURO DI FINANSA A REUNI CU EXPERTO DI ADUANA HULANDES SR. JAN KAMP KENDE LO BAY BRINDA ASISTENCIA TECNICO NA E TEAM DI MANEHO DI ADUANA NA ARUBA

Recientemente Minister Maduro a haya confirmacion di e Director General encarga cu Aduana na Hulanda, sra. Nanette Schelven, cu Aduana Hulandes lo yuda Aduana Aruba cu asistencia tecnico pa fortifica y profesionalisa Aduana di Aruba. E asistencia ta wordo brinda dentro di e programa di 'Versterking Grenstoezicht' y sr. Jan Kamp kende ta un experto di Aduana Hulandes cu experiencia amplio a keda asigna pa brinda e asistencia necesario na e team di maneho di Aduana na Aruba.

Sr. Kamp ta un Aduanero Hulandes cu recientemente a hubila, pero cu a keda traha riba proyectonan pa Aduana Hulandes. Como Aduanero, sr. Kamp tabata na cabes di Aduana na Schiphol y tambe a lidera e Cuerpo di Aduana na e waf di Rotterdam. Den añanan 90 sr. Kamp a traha pa un par di aña tambe na Aruba y pesey ta conoci cu nos isla y Aduana di Aruba caba.


Dialuna cu a pasa Minister Maduro a reuni cu sr. Kamp pa asina repasa e necesidad cu tin na Aduana y tambe pa repasa e trabounan cu e mandatario lo kier mira realisa na Aduana Aruba a corto y mediano

plazo. Puntonan cu a bin dilanti den e reunion ta, entre otro, e ley di ALDA cu mester keda introduci a corto plazo pa asina modernisa e trabounan na Aduana. E edificio nobo di Aduana cu tambe mester keda cla mas pronto cu ta posibel. Banda di esaki a toca e necesidad pa Aduana por conoce e formacion, ekipo y profesionalismo necesario pa por traha na un manera mas eficiente pa por atende cu e retonan cu e Aduana di un isla manera Aruba ta confronta y mester surpasa.

Den e dos prome simannan di januari ya caba sr. Kamp a cuminsa hiba e combersacionnan necesario cu diferente persona den Aduana pa asina por haya un bista y compila un lista di e retonan cu Aduana tin, pa despues por traha un plan di mehoracion pa wordo ehecuta a corto y mediano plazo pa fortifica y profesionalisa e organisacion di Aduana na Aruba.

Minister Maduro ta gradici sr. Kamp pa a acepta e reto pa brinda asistencia na e team di maneho di Aduana na Aruba, y ta mira dilanti riba un bon cooperacion na bienestar di e Cuerpo di Aduana y di Aruba.





Ernesta Bermudez  
- DENTAL SOLUTIONS -

Aruba Carnival  
is coming!

**Celebrate with a  
PERFECT, BEAUTIFUL,  
HEALTHY smile.**

Miss Aruba: **Karol Croes**

FREE CONSULTATION

+297 585 3255  
+297 592 9398



BRIYANDO FUERTE • TRECIENDO CLARIDAD

Di Pueblo



# ARUBA BANK Y IMPACT BLUE A INICIA CU PROME PRESENTACION DI E PROYECTO DI CIRCULAR ECONOMY SINT PAULUS SCHOOL TA E PROME SCOL.



Oranjestad, 19 di januari, 2024 — Awe ta marca un dia special pa Aruba Bank y Impact Blue cu ta inicia cu nan prome presentacion di e Circular Economy Project na Sint Paulus School na San Nicolas.

Den un esfuerzo colaborativo, Aruba Bank y Impact Blue a tuma e prome pasonan pa promove educacion di sostenibilidad door di introduci e proyecto di Circular Economy cu ta consisti di presentacion

na vijfde klas di scolnan basico y alabes un School Challenge cu premionan atractivo pa tur scol cu participa. E iniciativa su meta principal ta pa educa y inspira e futuro generacion tocante e importancia di practicanan sostenibel y e impacto positivo riba nos comunidad y medio ambiente.

Sra. Roxanne Croes, Sr. Marketing Officer na Aruba Bank, a expresa nan entusiasmo: "Nos ta

hopi contento pa lansa e proyecto di Circular Economy hunto cu nos partner, Impact Blue. E iniciativa aki ta simbolisa nos compromiso pa forma un futuro mas sostenibel door di implementa balornan eco-conciente den curason y mente di nos muchanan".

E prome presentacion a tuma lugar na Sint Paulus School, y nos ta invita tur scol basico cu ta desea di forma parti pa registra mas pronto posibel pa ricibi e

presentacion na nan scol.

Pa mas informacion por bishita <https://arubabank.com/Campaigns/2023-circular-economy>

Aruba Bank y Impact Blue ta contento di por traha hunto pa sigi desaroya projectonan impactante pa construi un comunidad cu un futuro resistente y sostenibel.

## ROTTERDAM UNIVERSITY OF APPLIED SCIENCES: RECEIVE YOUR FIRST STUDY CREDITS BEFORE ARRIVING IN THE NETHERLANDS

Oranjestad, 20 di januari 2024 – Hogeschool Rotterdam ta organisa un anochi informativo pa e studiantenan cu ta desea di cuminsa nan estudio na Hogeschool Rotterdam na Hulanda na September 2024! Esaki lo tuma lugar dialuna, 22 di januari 2024, di 7:00 te 8:00 or di anochi

. E sesion aki lo online (via Zoom) y ta completamente GRATIS!

Durante e sesion unico aki, lo bo

haya ademas di detaye riba e

variedad amplio diservicionan y oportunidadnan cu Hogeschool Rotterdam ta ofrece específicamente pa studiantenan di Aruba, manera eventonan interesante, diferente servicionan di sosten y oportunidadnan unico.

Pero tambe lo duna informacion di e programa exclusivo

'Subi Jetpabo Get'

cu ta disponibel solamente na Aruba. Y kiko bo ta kere? Cu e programa aki, bopor obtene bo prome

2 "studiepunten"

prome cu bo pisa tera Hulandes.

Subi Jet pabo Get ta e comienso ideal pa bo y bo mayornan pa prepara pa e bida nobo distudiante. Conoce coachnan di estudiante y maestronan cu por contesta tur bopreguntanan. Loke ta haci esaki mas atractivo ta cu, door di participa den e sesion aki, bo lo tin oportunidad pa obtene bo prome dos

(2)

creditonan di estudio prome cu bo yega na Hulanda.

Esaki ta tremendo toch? Esaki ta un oportunidad cu

Hogeschool Rotterdam ta ofrespecial pa studiantenan di Aruba. Asina ta, no perde esaki!

Mayornan, decanonan, y studiantenan por registra via e siguiente link:

<https://forms.gle/bKN2mvfqHHccjovx8>

Te dialuna 22 di januari! Y start bo estudio na e manera perfecto!

Pa mas informacion of pregunta:

[hogeschoolrotterdam.aruba@gmail.com](mailto:hogeschoolrotterdam.aruba@gmail.com)

Hogeschool Rotterdam Aruba



# MINISTER ENDY CROES A ATENDE E CEREMONIA DI APERTURA DI E PROME TAYER DI ANTI-DOPING EDUCATOR INSTRUCTOR TRAINING DI REGION



: Siman pasa, a tuma luga e prome tayer di Anti-Doping Educator Instructors Training di region. E seminario aki a tuma luga na Aruba, unda cu 11 pais a participa. E tayer tabata un colaboracion entre Caribbean Regional Anti-Doping Organization (RADO), Comité Olimpico Arubano (COA) y Comisión Anti-Doping di Aruba. Sigur por mira atras riba un training fructifero. E facilitadonan di United Kingdom Anti-Doping (UKAD), United States Anti-Doping Agency (USADA) y Caribbean RADO a brinda e training aki na e participantenan. Despues di cada sesion a dialoga riba e plan strategico di ambos organisacion durante e ultimo añanan. E meta di training aki ta pa train e personanan cu ya caba tin experiencia riba tereno di anti-doping, pa nan bira Anti-Doping Trainers cual na nan turno lo educa otro personanan pa

bira educadonan di anti-doping. Pa asina aki, cada pais por logra establece un programa structural di educacion di anti-doping. Minister Endy Croes tabata presente na apertura di e tayer aki. E tayer ta di vital importancia, ya cu 2024 ta aña olimpico y nos kier pa nos atletanan ta bon prepara, educa y ta consciente di e peligrosnan di doping. Tambe, e aña aki WADO lo haci evaluacion si tur pais ta cumpli cu e requisitosnan di e World Anti-Doping Code Compliance 2024, di cual educacion di anti-doping tin e prioridad mas halto riba e lista hunto cu e test di anti-doping.

UKAD National Trainer, Sra. Wendy Henderson, a indica cu e "partnership" cu Caribbean RADO ta uno valioso. E tayer di "train the trainer" a brinda oportunidad pa trece hunto educadonan di "clean sport" di region Caribe. Cu sosten di UKAD a desaroya



tecnicanan pa instrui, como tambe habilidad pa train y mentor pa asina prepara mas educado anti-doping den nos region. E conocimiento, experticio y disponibilidad pa siña a produci hopi manera placentero y creativo pa educa atleta riba tema di anti-doping. USADA

Director of Elite Education, Sra. Tammy Hanson, a expresa di ta sumamente impresionado cu e interes di e participantenan pa siña, amplia nan programa di educacion y pa duna educacion y train e siguiente generacion di educadonan.

Pa conclui, Minister Endy Croes ta felicita Caribbean Regional Anti-Doping Organization (RADO), Comité Olimpico Arubano (COA) y Comisión Anti-Doping di Aruba cu un tayer exitoso! Pabien na e 11 instructornan di anti-doping cu a finalisa e tayer cu exito!



# PARLAMENTARIO INDEPENDIENTE MR. DR. RYÇOND SANTOS DO

## NASCIMENTO: UN PARAISO CORUPTO

Aunke tur hende sa cu Aruba ta un paraiso corrupto, pasobra nos sistema politico-economico ta un mafia, ni MEP ni AVP kier admiti. Segun señora Evelyn Wever-Croes, ta AVP tin un problema cu corrupcion. Sin embargo e prome minister ta enfrenta cuater caso liga na su Gabinetenan. Cada caso tin aspectonan peculiar. “Tulipan” ta e caso relata na e dossier di Arubahuis cu señora Evelyn Wever-Croes a entrega na Ministerio Publico. Ta trata di un minister plenipotenciario a biba den luho sin ningun hustificacion. Segun Besaril e mester a representa Aruba dignamente y p’esey mester a bay restaurantnan caro cu politiconan Hulandes. Ora CAD a investiga e caso, Besaril no tabatin prueba cu el a reuni cu e politiconan importante, pero CAD mester a admiti cu berdad Besaril a come na grandi. Potretan ta confirma cu Besaril a bay Hulanda flaco, bin bek Aruba gordo.

“Kwihi” ta e caso cu ta involucra ex-minister Chris Romero. E ex-minister aki ta gusta yuda hende. P’esey el a nombra su ex-casa den cierto board. Segun e mandatario no tabatin ningun problema, pasobra ya no tabatin amor. P’esey e pakico Romero a maltrata e gay di su ex algun tempo despues, ta keda un misterio. Loke si nos sa, ta cu ex-minister Edison Briesen ta involucra den e investigacion “Kwihi” y cu ta trata di contractnan gubernamental cu a ser uza pa enriquece cierto hende.

“Flamingo” ta un caso sumamente interesante. Aparentemente

ex-minister Otmar Oduber a haya un tip cu Ministerio Publico kier a investiga e. E’l a dicidi bula afo prome cu un investigacion pone Gabinete Wever-Croes I cay. Oduber tabata kier pa minister Marisol Tromp sigui sostene cierto palabracionnan cu el a laga atras. Ora Marisol Tromp a nenga, e persecucion di Tromp acuminsa. Minister Andin Bikker a bay gaña cu e asina yama “vertrouwensbeginnsel” ta encera cu no ta Parlamento ta manda un minister cas, pero su fraccion. Marisol Tromp a splica cu no ta asina constitucion ta stipula. Siguietemente coalicion a ser preciona pa pasa un mocion di desconfianza contra Tromp. E ora Marisol Tromp a splica curason di e problema: spirito den gobierno. Atrobe a purba kita Marisol Tromp cu engaño. Aparentemente Alan Howell a grita PRO for di baño y como cu Ricardo Croes a bandona sala no tabatin suficiente parlamentario den e reunion pa por pasa e mocion. Toch presidente di parlamento, Ady Thijsen, a haci comosifuera un mocion di desconfianza a keda acepta. Ta Gobernador mester a interveni pa garantiza respet pa nos Constitucion. Caso “Flamingo” ta sigui y mientras tanto Hans Geerman a admiti na Ministerio Publico di ta un di e ambtenaar spirito. Ta trata di soborno di Otmar Oduber durante e periodo di april 2019 te maart 2021. Finalmente tin e caso “Diamante” cu a conduci na caida di Gabinete Wever-Croes I. Ta asina cu fraccionnan di Parlamento ta haya un suma di placa di gobierno



pa nan por haya un bon sosten den nan trabao. Dado momento Alan Howell kier a duna su mes un bonus cu e placa aki. Den e sentencia di hues nos por lesa e hustificacion di Howell pa un bonus di 10 mil florin: ta for di Sinterklaas el a haya aprobacion!

Cada caso ta doloroso pa señora Evelyn Wever-Croes, aunke e ta participa na un sistema diseña pa nepotismo. En cambio señor Mike Eman ta na un “whole other level”. Segun Mike Eman, Ministerio Publico no ta investiga ningun caso relata na Gabinete Evelyn Wever-Croes. Solamente AVP ta victima di persecucion penal. Landsrecherche y Ministerio Publico lo ta instrumento di MEP y segun señor Mike Eman hasta e hues di Sevinger ta corrupto. Eman ta splica cu e hues Hulandes a castiga Sevinger como fabor na Ministerio Publico. P’esey hues no por a admiti cu Sevinger ta un hombre husto y recto. Segun Eman nos mester realisa e bon comun, den cual ministernan di AVP nunca mas mester tin miedo di Ministerio Publico. Den e cuadro aki AVP hasta a lansa un

campana riba Facebook, titula “Free Paul Croes”. Segun Eman mester manda un mensahe fuerte pa Hulanda “for once and for all” compronde cu na Aruba ta MEP so ta haci corrupcion y cu tur locual Tico Croes, Otmar Oduber, Paul Croes y Benny Sevinger a haci ta normal y nada robes. Si Eman ta identifica su mes cu Mahatma Gandhi cu a bay den welga di hamber, Eman ta identifica Paul Croes cu Nelson Mandela cu a ser cera inhustamente. Cu orguyo e ta bisa cu ningun soborno cu Paul y Benny a ricibi a enriquece nan of partido...

Pa garantiza cu e vision di Eman tin un bida largo, e prins di Mike Eman, e hoben Wendrick Cecilia, tambe a sostene e campana “Free Paul” hunto cu e presidente nobo di Fundacion Formacion Politico Digna Laclé-Herrera, juffrouw Ichelle Simon. Claro cu Myriam Tonk-Croes, e “ghostwriter” di Eman, tambe mester ta den touw. Mientras tanto tur hende sa cu Aruba ta un paraiso corrupto, pasobra nos sistema politico-economico ta un mafia.

### CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# Minister Ursell Arends: PROYECTO DI AGRICULTURA NA SCOLNAN BASICO A CUMINSA

Ministerio di Naturalesa ta orguyoso di por inicia e proyecto di agroforesteria sintropico na scolnan basico. Na 13 scol rond di Aruba lo instala un hardin di alimentacion unda cu muchanan di eerste te cu zesde lo siña planta, cuida y cosecha diferente tipo di matanan.

E proyecto aki, cu ta un esfuerzo entre Santa Rosa, Living Soil Aruba y Ministerio di Naturalesa, lo cuminsa diasabra 20 di januari na Scol Basico Washington 7'or di mainta te cu 1'or di merdia. Cada scol lo haya un workshop for di Living Soil prome,

mientras cu Santa Rosa ta prepara e espacio, ekipo y material di antemano. Ora cu esaki nan ta cla lo planta diferente mata di berdura y fruta cu ayudo di e scolnan y boluntarionan.

E meta di e proyecto aki ta pa brinda nos hobennan herment cu lo yuda nan den futuro y na su turno fortalece nos sector primario. Muchanan lo siña tocante di alimentacion y agricultura sostenibel. Tambe e hecho cu nan lo ta educando nan mes pafo di klas haciendo uzo di nan mannan cual ta algo sumamente balioso pa nan desaroyo.



Nos hobennan ta e futuro di nos isla cual ta un factor cu Ministerio di Naturalesa ta enfoca ariba dje. Pues un bon educacion pa nos hobennan den e area agricola lo sa di yuda

nos isla desaroya un pilar economico adicional.

Minister Arends ta haci un yamado na pueblo di Aruba pa duna nan aporte. Un y tur ta bon bini pa yuda e scolnan traha nan

hardin di alimentacion. Cu apoyo di nos comunidad nos por brinda nos muchanan un bunita proyecto cu lo sa di brinda nan oportunidadnan den futuro.

## DIA 23 DI JANUARI TA TREK LOT PA ARUBA CAISO & SOCA MONARCH 2024 FINALS

DIA 23 DI JANUARI TA TREK LOT PA ARUBA CAISO & SOCA MONARCH 2024 FINALS Caiso y Groovy Soca ta tuma lugar diabierna, 26 di januari y Power Soca ta riba diasabra, 27 di januari E pregunta di mas popular cu Stichting Musica ta ricibi, ta tocante e secuencia di banda pa diabierna, 26 di januari y diasabra, 27 di januari na Carnival Village. Riba e prome anochi di e ACSM2024 Finals lo estrena e categoria di Caiso y tambe Groovy Soca. Riba e di dos anochi lo tene e Power Soca Finals.

Riba diamars, 23 di januari e bandanan participante lo trek lot na Centro di Bario Brazil pa asina revela e secuencia di banda oficial

pa Aruba Caiso & Soca Monarch 2024. Prensa ta cordialmente invita pa cubri e evento di trek lot. Un total di 16 Calypso, 15 Groovy Soca y 27 Power Soca lo wordo presenta durante di e ACSM2024 Finals. E bandanan cu lo participa na e festival ta: Buleria, Caribbean Band, D'Islanderz, DLS, Duro Entertainment, Hot Ones Band, Musical Time, N' Fuzion, Noush & The Band, Phenomenon, Tsunami, Shine Music, Sunrise City Players, Suona, The Crew, X-Static Band, YX3M, Zeta Band.

Entrada pa e espectaculo musical di mas grandi na Aruba ta obtenibel via Pay. AW of por cumpra package pa drenta tur dos anochi pa 100 florin na Citgo



Boulevard, Citgo Essoville, Citgo Santa Cruz of Citgo Palm Beach.

Arubianonan den exterior, por busca un Pay Per View package pa sintonisa tur dos anochi LIVE na: [www.telearuba.aw/payperview](http://www.telearuba.aw/payperview). Stichting Musica ta gradici Setar NV pa ta un tremendo partner pa Aruba Caiso

& Soca Monarch 2024 y ta sumamente contento cu e apoyo y sosten di Gobierno di Aruba, Aruba Bank, Ban Serio, Aruba Airport Authority, Elite Productions & Entertainment, Telearuba, UNOCA, Guardian Group, Romar Trading, Nagico y DigitalView.

ORA LOCA

Stichting Musica no a lubida riba nan famoso ORA LOCA. E prome ORA LOCA lo tuma lugar riba diabierna, 19 di januari pa 3'or di atardi. Solamente 100 packages lo ta disponibel pa 70 florin, exclusivamente via Pay. AW, pa solamente 1 ora.



# Chauffeur sin papelnan na ordo a tuma birada mucho aden bay dal riba trafico contrario



Diahuebs mainta a drenta informe di un accidente na Sero Preto Paradera,

mesora a dirigi un patruya na e sitio. Na yegada di e patruya

a bin compronde cu no tin su papelnan di auto na ordo a tuma e birada

mucho aden y a bay dal riba trafico contrario. Afortunadamente ningun

hende a resulta herida.

## Finalisacion IPA Fall Minor 2023

Un grupo di 16 estudiante pasiona a logra completa e minor "Globalisation, Diversity, Multilingualism & Education" na IPA (International Programme Aruba) cu exito. Nan a inicia e minor desafiante aki na september. Cu orguyo nan ta mira patras riba un final exitoso di nan periodo di estudio. Dia 12 y 19 di januari nan a presenta nan portofolio y trabou di investigacion durante nan presentacion final na IPA. E studiantenan dedica aki ta bini di diferente universidad: Hogeschool Rotterdam (PABO), Hogeschool Thomas More, Hogeschool Windesheim, y dos estudiante Arubiano Maud Celaire y Kimberlie Jansen di Haagse Hogeschool. Durante e periodo aki, e studiantenan a haya experiencia balioso haciendo nan practica na diferente scol: Mon Plaisir basisschool, Basisschool de Schakel, Colegio Pastor Kranwinkel, Rosario College, International School Aruba,



ba, San Antonio Mavo, y Abraham de Veer Mavo. Nos ta duna reconocimiento y gratitud na e scolnan pa nan guia y disponibilidad. E nombrenan di e studiantenan y e topiconan di nan trabounan di investigacion:

1. Marlous Bode - Multilingualidad den kleuterklas
2. Siebe Mels - Gamificacion/wega den enseñansa
3. Laura Koornstra - Tarea

creativo den enseñansa di NT2

4. Lotte Tillema - Forman di trabou cooperativo
5. Cheyenne Baanvinger & Vincent Sels - Motivacion den enseñansa na Aruba
6. Floor van Dijk - Movecion den enseñansa
7. Lotte Brouwers - Influensia di evaluacion riba confiansa propio
8. Lenthe Versendaal - Influencia di entrada/salida iregular riba e ambiente di klas

9. Mirte Hoogedoorn - Dislexia na e scol di practica na Aruba
10. Kimberly Jansen & Maud Celaire - Multilingualidad den enseñansa Arubano
11. Sandhya Khusial - Desaroyo di NT2 den idioma Hulandes
12. Sanne van Dijk & Anne Lodder - Desaroyo di identidad na Colegio Pastor Kranwinkel
13. Arhomil Illidge - Influencia di ambiente di cas

riba rendimiento di siñamento (The influence of the home environment on the learning performance). E logro aki ta muestra e diversidad y dedicacion di e studiantenan, caminda nan contribucion ta priminti un impacto balioso den enseñansa. Nos ta felicita nan cordialmente cu e exito completando e capitulo aki di nan biahe academico.



## Encuesta di Entrada & Gastonan 2023-2024 – Ganadornan di periodo 2!



Dia 15 di November 2023, Oficina Central di Estadística (CBS) a cuminsa cu e Encuesta di Entrada y Gastonan. Manera nos a menciona e encuesta di Entrada y Gastonan ta encera 2 parti:

- Hogarnan participante lo wordo puntra pa contesta algun preguntanan tocante gastonan cu e hogar a haci durante e 12 lunanan cu a pasa prome cu e encuesta aki.
- Hogarnan participante lo wordo pidi pa yena un Buki di Gastonan Diario. Den e buki aki tur gasto di tur miembro di e hogar mester wordo yena pa un periodo di 2 siman. Teniendo na cuenta e esfuerso cu un hogar mester hasi pa e encuesta aki CBS a logra ofrece un incentivo pa hogarnan participa. Hogarnan cu a participa completo na e encuesta aki a duna nan number di telefoon

pa asina nan por participa pa gana un incentivo causal un bon di supermercado na d Afl.100 CBS ta anuncia e ganadonan di e di dos periodo y alabes ta mantene e anonimidad di e hogarnan ganado.

E 10 hogarnan ganador pa e di 2 periodo cu a tuma lugar den luna di December 2023 ta parti den e siguiente areanan di Aruba: 1 den Noord, 2 den Oranjestad, 2 den Paradera, 1 den Santa Cruz y 4 den Savaneta.

CBS a tuma contacto cu e hogarnan aki pa asina nan por busca nan bon di supermercado. Na medio Februari 2024 lo saca e ganadornan di periodo 3. Di e manera aki CBS kier sigui incentiva hogarnan pa coopera cu e Encuesta di Entrada & Gastonan 2023-2024.

## Mercado Santa Rosa y Pop Up Market pa 2024



E keintura di Carnaval 70 ta dominando Esaki ta hasi cu manera gustumber Departamento di Agricultura, Cria y Pesca Santa Rosa no ta organisa ningun Mercado den e temporada di carnaval. Esey ta hasi cu si nos a planifica tur cos caba pa loke ta trata nos Mercado y tambe nos Pop Up Marketnan manera por a mira cu a wordo organisa aña pasa. Pa loke ta trata nos mercadonan manera gustumber esaki ta wordo organisa

den luna di April 2024 cu mundialmente ta wordo celebra "Dia di Tera". Esaki ta wordo combina cu un dia publico hunto cu nos afamado Mercado Santa Rosa. Mescos ta conta pa luna di oktober 2024 caminda nos ta celebra e fecha di Dia di Alimentacion di cual esaki tambe ta wordo combina cu dia publico y Mercado. Pop Up Market nos inicia cune aña pasa y hopi ta esnan cu a encanta e concepto aki cu ta duna oportunidad pa bin compra bo product fresco sin

mucho esfuerso y despues sigui bo caminda. Ta simplemente ta productornan cu tin producto disponibel e momento ey ta haya oportunidad di ta den nos Pop Up Market aki mes na Santa Rosa. Ta simplemente un tent grandi ta wordo poni y por acomoda mas o menos 15 productor cu ta ofrece nan product na e momento ey. Esaki lo bai wordo hasi riba diasabra cuminsando den e prome siman di maart venidero. Por mira nos schedule di e fechanan cu a wordo planifica pa e aña aki. Tur Pop Up Market lo ta riba diasabra for di 8'or te cu 11'or di mainta pa asina abo por probecha di hasi bo compras. Por tuma nota di nos schedule pa e aña aki y cuminsa planifica bo bishitanan aki na Santa Rosa pa loke



ta bai ta nos "Pop Up Marketnan" y tambe nos dianan publico hunto cu Mercado Santa Rosa. Tene

cuenta si cu fechanan por cambia dependiendo na disponibilidad di producto local.



FORTALEZA PA FAMILIA  
Scirbi pa Pastor Marcel Balootje.

# OBEDENCIA Y TEMOR DI DIOS



E plannan di curason ta pertenece na hende, ma e contesta di lenga ta bini di Señor.

Tur caminda di un hende, ta limpi den su mes bista, ma Señor ta pisa e motibonan.

Encomenda bo obranan na Señor y bo plannan lo wordo estableci. (Proverbionan 16:1-3).

Dios a duna tur hende e liber escogencia, bo por scohe pa malo y of bo por scohe pa bon, bo por scohe pa Dios of bo por scohe pa diabel, bo por scohe pa bida eterna den cielo, of bo por scohe pa morto eterno den fierno, bo por scohe pa studia of keda sin studia, bo por scohe pa

obediencia, of bo por scohe pa desobediencia, Pero no lubida cu tur escogencia tin nan consecuencia bon of malo pa bo mes, pa despues bo no bin culpa ningun hende di locual bo a scohe.

Pasobra ta para scirbi: Pasobra Dios a stima mundo asina tanto cu E a duna su Yiu unigenito pa ken cu kere den dj'E no bai perdi ma tin bida eterna. Dios no a manda e Yiu den mundo pa condena e mundo, ma pa e mundo wordo salba door di dj'E. Esun cu kere den dj'E no ta condena, esun cu no ta kere ta condena caba. Esey taifica cu e unico manera pa hende por tin bida eterna

ta door di kere den nos Señor Hesus Cristo, y den nada otro.

Tur hende mester scohe pa Cristo pasobra esun cu no scohe, pa Cristo ta scohe pa maldad, pasobra no tin caminda neutral, ni tampoco hende no por biba cu Dios y cu diabel pareu.

Awor orguyo, y falta di conocimiento, hopi bi-aha ta pone cu hende no ta scohe pa e caminda di Dios, of e caminda di decencia y moralidad, pero manera ta bisa den boca di pueblo,

ami ta dicidi kico mi ta haci ningun hende no tin nada di bisami.  
Ami ta dicidi si mi ta bebe alcohol,  
Ami ta dicidi si mi ta huma sigaria.  
Ami ta dicidi si mi ta droga.  
Ami ta dicidi cu ken mi sali.  
Ami ta dicidi ki ora mi ta yega.  
Ami ta dicidi cu ken mi ta drumi.  
Ami ta dicidi si mi ta biba den inmoralidad.  
Ami ta dicidi si mi ta usa anticonceptivo of no.  
Ami ta dicidi kico mi ta come of bebe.

Ami ta dicidi cu mi ta pone tattoo riba mi curpa.

Ami ta dicidi cu mi ta bay bisti casi sunu den carnaval y balia indecente.

Tur cos ta draai rond di ami.

Pero ta para scirbi: Huy for di inmoralidad, tur otro pica cu hende comete ta pafo di e curpa, ma e hende immoral ta peca contra su mes curpa. Of

boso no sa cu boso curpa ta tempel di Spirito Santo. Kende ta den boso. Kende boso tin di Dios, y cu boso no ta pertenece na boso mes? Pasobra boso a wordo cumpra pa un prijs pesey glorifica Dios den boso curpa. (1 Corintionan 6:18-20).

Nos tur sa cu den e ultimo dianan temponan trabahoso lo bini, y awor nos tur ta mira con desobediencia na Dios ta aumentando dia pa dia.

Ta dificil pa lanta un familia sin Dios, esey ta locual tur hende mester reconoce, y consulta cu Dios den

tur locual nan ta bay haci. Fornicacion y adulterio ta keda pica, sea bo comete cu proteccion of sin proteccion, y e mihor forma ta pa abstene di tur forma for di inmoralidad.

Laga tur esnan cu ta menciona e nomber di Dios abstene nan mes for di maldad.

Sinceramente, Pastor Marcel Balootje.

## ORACION DI DIA

Un dia fructifero y cu Dios brasa  
boso cu Su amor paternal

"A traha sabbat pa hende y no hende pa sabbat" (Marco 2, 27)

Evangelio di awe ta yama nos atencion riba loke ley ta regla den bida:

ordena e relacion den nos comunidad pa haci nos bira consciente di nos propio responsabilidad den e sociedad di cual nos ta forma parti como ser humano. E palabra "ley" of regla por irrita nos un poco. Principalmente ora nos atencion wordo yama riba loke nos a haci robes of ora nos a keda sin haci algo. E camindanan di Dios no ta nos camindanan pa via di nos debilidad como ser humano. Den nos relacion cu nos ruman, ta surgi problema, pregunta, disgusto cu tin biaha nos no por comprende. Experiencia humano ta muestra nos tentacion humano.

Como ser humano nos tin tendencia di haci hende catibo di ley. Mientras cu ley a wordo diseña pa sirbi humanidad, tin bes nos no por comprende e actitud di nos ruman. Tin bes hasta nos no por comprende nos mes actitud. Nos ta bira consciente di esaki ora nos tuma nota cu Dios no ta scohe poderosonan pa cumpli cu Su trabou aki na mundo. Al contrario, E ta scohe humildenan pa muestra poderosonan Su caminda.

Oracion: Señor, manda nos Bo Spirito Santo, e Spirito di amor pa nos sa di busca Bo camindanan pa por sirbi nos rumannan den tur humildad.

Amen.



**Tipline: 585 9500**

e-mial: solodipueblo@gmail.com





# Turista a cay di un di e seated scooternan den Shellstraat



Diahuebs merdia T.O.P. (Tourism Oriented Police) a topa cu un turista cu lo a dal abao for di un seated scooter den Shellstraat y ta herida, mesora a dirigi tanto polis como ambulans na e sitio.

Na yegada di e patruya a bin compronde cu e turista a cay for di e scooter y a resulta herida. Na yegada di e ambulans nan a atende e turista herida.

# Polis a atende cu un chauffeur coriendo malo den Sero Blanco



Diahuebs merdia un patruya di distrito1 (Oranjestad) a nota un auto ta core malo na Sero Blanco, mesora polis a para e auto y a atende cu e chauffeur.



VALIDO TE DIASABRA 20 DI JANUARI 2024,  
18:00 ORA  
TEMPO:

AWE TARDI Y AWE NOCHI:  
PARCIALMENTE NUBLA CU UN POSIBLE  
AWACERO PASAJERO

DEN MARDUGA Y MAYAN: PARCIALMENTE  
NUBLA CU UN AWACERO PASAJERO  
TE BREVE

## AVISO/ ALERTA:

UN AVISO PA BOTO CHIKITO TA NA VIGOR  
PA PARTINAN

OOST TE NOORDWEST DI COSTA Y RIBA  
LAMA HABRI.

PRONOSTICO DI TEMPO PA PROXIMO 3 DI-  
ANAN:

PARCIALMENTE NUBLA CU UN AWACERO  
BREVE.

BIENTO LO TA FOR DI DIRECCION OOST Y  
MODERA

TE BASTA FUERTE, FUERTE TE DURO DEN  
RAFAGA;

TEMPERATURA (GRADO CELSIUS) MAX /  
MIN LO TA: 32 / 26



# Polis a atende cu chauffeur cu a comete infraccion net su dilanti



Diahuebs mainta un patruya den Middenweg a nota un chauffeur comete un infraccion, mesora a para e chauffeur y

atende cun'e pa e infraccion cometi y a splica e chauffeur con e mester percursa pa haci y respeta e leynan di trafico.

# Polis a atende cu homber canando memey di caminda na Morgenster



e homber a compronde y a cana na banda di caminda y tuma rumbo su cas. Polis

a sigi tira bista y e homer a comprota te ora ela yega su cas.

Diaranson anochi a drenta informe di cu tin un homber canando memey di caminda na Morgenster, mesora a dirigi un patruya na e sitio. Na yegada di e patruya nan a topa e homber y a hala su atencion. Despues di esey

## Clasificados

**SOLODIPUEBLO@GMAIL.COM**  
**CEL. 585 9500**

Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado : Sorteo 18 Jan 2024 Anochi

<b>CATOLCHI</b> Sorteo # 8149 <b>0933</b> <b>2280</b> <b>7507</b> MULTI-X x5 <b>BIG 4</b> Sorteo # 7193 <b>2419</b> <b>10FF</b> Sorteo # 1898 <b>7350</b> <b>ZODIAC</b> Sorteo # 5952 <b>8154</b> <b>Capricorn</b> <b>LUCKY 3</b> Sorteo # 882 <b>591</b> <b>MULTI-X</b> <b>FP</b>	<b>LOTTO 5</b> Sorteo # 2459 0 x Jackpot 0 x Match 4+ 2 x Match 4 120 x Afl. 12,00 <b>Joker Letter</b> <b>Proximo Jackpot</b> <b>290.000,-</b>	<b>LOTTO DIA</b> Sorteo # 6362 0 x Jackpot 6 x Match 4 145 x Afl. 8,00 <b>05-19-20-25-29</b> <b>Proximo Jackpot</b> <b>54.000,-</b>	<b>MEGA</b> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 <b>Mega Ball</b> <b>Proximo Jackpot</b> <b>380.000,-</b>	<b>MEGA PLUS</b> <b>Afl. 500.000,-</b> 
---	--	--	--	---




# Por poco polis a gara ladron na Santa Marta



Diahuebs madruga a dren-  
ta informe di cu tin hende-  
nan kitandp piesa for di un  
auto na Santa Marta, me-  
sora a dirigi un patruya na  
e sitio. Na yegada di e pa-  
truya a topa un persona cu  
net a core drenta mondi. E  
tabata bisti cu capuchon e  
otro tabata den un Suzuki

Swift color grijs y su num-  
ber tabata cuminsa cu 18  
polis a busca den e mondi  
pero no a logra gar'e. Polis-  
nan a reuni na Well Well pa  
bay na cas di e sospechoso  
pero un patruya a blokia  
nos reportero pa sali bay  
nan tras! (No ta e prome  
biaha nan ta haci esey)



	8						3	
2			6		7			1
	6		2		1		7	
5								3
9			7		5			8
4		1	3		9	7		6
	2						1	
8		3	1		6	5		9

Cu gran tristeza na nos curason nos ta participa  
fayecimento di nos ser stima:

**Drs. Emile Weststrate**  
\*27 januari 1946 - †17 januari 2024



Dokter di cas  
Ex-presidente de HAVA

Co-fundador di Huisartsenopleiding Aruba

Ex-miembro di Raad van Toezicht di dr Horacio  
Oduber Hospitaal  
Ex-miembro di tuchtraad di Hof van Justitie di Aruba y Curacao

Medico di deporte  
Medico di malesanan tropico  
Miembro di grupo veterano di Aruba Dolphins

Na number di su:  
Esposa: Violeta Weststrate-Pichardo  
Yiunan: Jeroen y Lily Weststrate-Mileta  
Joris y Seraja Weststrate-Engelbrecht  
Jean-Pierre y Gabriella Weststrate -Seittiffe  
Nieto(a)nan: Daniel, Stefan, Mia-Rose, James, Ty Derick,  
Maurits Weststrate, Albert

Carolina

Mayornan: †Chris y †Maria Weststrate-van Bergen  
Ruman: †Chris y Elisabeth Weststrate-Hoen na Hulanda  
Swa y cunanan: †Rafael Pichardo y famia na Merca  
†Clara Augusta y famia na Merca  
Bienvenida Mercado y famia na Merca  
†Isabel Pichardo y famia na Merca  
Danilo y Simone Pichardo-Breuer na Hulanda  
Gabriel Pichardo y Yvette Zichem

Mama di Jeroen y Joris: Sra Reny Trinks  
Su miho amigo(a)nan manera ruman: Roly y Winnie Bisslik, Eduardo  
de Veer, Mahlon Lewis,  
David Janse, Dr. Benita Brit-Croes, †Bob Stamper, †Ronald Eerdmans, Bas  
Boswinkel na  
Hulanda, Dr Regina Kiewiet na Hulanda, Rick Dillworth na Merca, Vito  
Carolina  
Un danki special na Dr. Nathalie Winterdal y Dr. Sharline Vis, Kimberly de  
Groot, Dr. Nuris  
Lampe, Dr. Cheng, Marijke MacJannet, Andra Petrocchi, Dr. Ladenius y  
Dr. Sanchez y na  
personal di Hospice Atardi.  
Demas famia Weststrate, Pichardo, van Bergen, Engelbrecht, Mileta,  
Seittiffe, Bisslik, Ras y  
Breuer  
Nos mas sincero disculpa si den nos tristeza, nos por a lubida algun famia  
of conocir.

ta invita demas amigonan, conocirnan, ex-patientnan, coleganan y  
bisiñanan pa asisti na acto di condolencia cual lo tuma lugar diamars 23 di  
januari 2024 di 6:00 pm pa 8:00 pm na Aurora Funeral Home.

Acto di despedida y cremacion lo tuma lugar diaranson 24 di januari 2024  
di 2or pa 4or di atardi na Aurora Funeral Home.

Acto di cremacion ta tuma lugar den seno familiar.

Nos ta lamenta cu despues di entierro nos no por ricibi bishita  
di condolencia na cas.



# "Debe": Polis mester a intermedia



Caya Papa Juan Pablo - Diahuebs den oranan di anochi polis a wordo pidi

na un supermercado, unda un homber y un muhe lo tawata tin problema.

Na prome instante, a papia di un situacion di stalking.



Polisnan cu a yega berdad a topa cu e "pareha". Y asina cada uno a cuminsa duna nan banda di medaya.

A bin resulta cu lo tawata trata di placa, o sea debemento. Por a mira e cabayero cu papel y firma etc etc.

Dado momento e dama tawata bastante altera y a cuminsa papia duro, polisnan a bise pa e calma.

Na final, no a keda polis nada otro di referi ambos na un/nan abogado pa e regla e cuenta habri. E dama a bisa polis cu e no kier pa e homber yega unda e ta.

# Polis di e seccion narcotica a detene sospechoso busca pa justicia



Diahuebs merdia polisnan atento di e seccion narcotica pasando den Monserat a topa cu un sospechoso

busca pa justicia, mesora nan a acerc'e y a detene. A solicita e vehiculo di transporte pa asina hib'e

warda di polis pa atende su asunto pendiente cu justicia.



Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,30

Pa mas informashon por tuma contacto cu oficina na 585-9500 of na 741-4554